

Kæru foreldrar/forráðamenn og nemendur.

Mikill áhugi hefur verið fyrir Vísindaskóla unga fólksins í ár eins og undanfarin 6 ár. Skólinn stendur yfir vikuna 21.-25. júní frá kl. 9:00-15:00.

Skólinn verður settur mánudaginn **21. júní kl. 8:30**. Við biðjum alla nemendur að mæta tímanlega í anddyri Háskólans á Akureyri, aðalinngangur. Þar munum við taka á móti þeim og ræða stuttlega við þá áður en skólinn hefst.

Skipulagi skólans verður þannig háttað að nemendum verður skipt upp í fimm hópa og fær hver hópur að kynnst nýju þema á hverjum degi. Upplýsingar um það í hvaða hóp ykkar barn/börn eru og í hvaða röð farið er í gegnum þemum koma í lok vikunnar, ásamt fleiri praktískum upplýsingum. **Athugið að við höfum tekið tillit til þeirra óska sem hafa borist varðandi börn sem vilja vera saman í hóp.** Mikilvægt er að þessa upplýsingar berist fyrir hádegi á miðvikudag, 16. júní.

Skólanum líkur formlega **föstudaginn 25. júní kl. 15:30** með útskrift nemenda í hátíðarsal Háskólans á Akureyri. Fjölskyldur nemenda eru velkomnar við útskriftina.

Athugið eftirfarandi: Við biðjum foreldra/forráðamenn að skoða vel [dagskrá](#) Vísindaskólans en þar má sjá hvað er gert í hverju þema. Stundum fer kennsla fram utan dyra og þá þurfa börnin að vera með fatnað miðað við veður á hverjum degi, hlýja yfirhöfn og regntau.

Mjög mikilvægt er að nemendur mæti á réttum tíma. Framkoma barna á undarförnum árum hefur verið til fyrirmyndar en þó hafa komið upp einstaka tilvik þar sem að nemendur hafa truflað kennslustundir með óæskilegri hegðun. Við brýnum fyrir foreldrum að hvetja börn sín til trúðmennsku. Ef þau ítrekað virða ekki umgengnisreglur munum við hafa samband við foreldra/forráðamenn til þess að finna æskilega lausn á vandanum.

Dagskráin í öllum þemum hefst í Háskólanum á Akureyri og endar á sama stað.

Suma dagana eru börnin utandyra megnið af deginum og áriðandi er að við fáum upplýsingar um það hvort að einhverjir af nemendum hafi ofnæmi fyrir gróðri.

Einnig er mikilvægt að fá upplýsingar um annað sem kann að hafa áhrif á þátttöku barnanna í skólanum, t.d. einhverjar greiningar.

Auk þess er mikilvægt að við fáum upplýsingar um **fæðuþol** og **aðrar sérþarfir** í tengslum við mataræði, t.d. mjólkurþol, vegan og þess háttar.

Við viljum biðja alla nemendur að hafa með sér **holla morgunhressingu t.d. ávexti, brauðsneið eða safa**. Inn í þáttökugjaldinu er heitur matur í hádeginu. Hér má sjá [matseðilinn](#).

Allar nánari upplýsingar um skólann og skipulag kennslunnar má finna inn á heimasíðunni www.visindaskoli.is

Ath. eftirfarandi varðandi þemun:

Sem betur fer erum við ekki öll eins:

- Nemendur byrja og enda daginn í Háskólanum á Akureyri.
- Hluti af dagskránni fer fram í íþróttasal skólans og því æskilegt að nemendur komi þann dag með þægileg íþróttaföt og handklæði ef þau vilja nýta sér sturtuaðstöðu skólans.

Af hverju kom gos á Reykjanesi?

- Nemendur byrja og enda daginn í Háskólanum á Akureyri.
- Hluti af dagskránni fer fram utandyra og þurfa nemendur að klæðast í samræmi við veður.

Lengi lifi Ísland:

- Nemendur byrja og enda daginn í Háskólanum á Akureyri.

Að lifa af í náttúrunni: Björgunarsveitarstörf, býflugur og blóm:

- Nemendur byrja og enda daginn í Háskólanum á Akureyri.
- Stór hluti af dagskránni fer fram utandyra og þurfa nemendur að klæðast í samræmi við veður.

Er orkan endalaus?:

- Nemendur byrja og enda daginn í Háskólanum á Akureyri.

Ef þið hafið einhverjar spurningar getið þið sent póst á netfangið visindaskoli@unak.is eða haft samband við Dönu Rán Jónsdóttur, verkefnastjóra Vísindaskólans í síma 460-8906.

Eftir að skólinn hefst er hægt að ná í Sigrúnu Stefánsdóttur, skólastjóra, í síma 861-4499 og Dönu Rán í síma 869-3560.